



UNIVERSITÄTS-
BIBLIOTHEK
PADERBORN

Synopsis Annalium Societatis Jesu In Lusitania

Francus, Antonius

Augustæ-Vindelicorum, M. DCC XXVI.

Annus 1723. Soc. 184.

[urn:nbn:de:hbz:466:1-72313](#)

Michaël Avelar scholaisticus, Didacus Ribeiro novitus, Martinus Rodericus Coadjutor, P. Simon Dinius; Conimbricæ Josephus Salazar scholaisticus, Gregorius Pintus tiro; in Portu P. Sebastianus Parada; Bracharæ Joannes Baptista, & Antonius Fernandius Coadjutores; in Fayalensi Collegio P. Emmanuel Faria; in Madeira Bartholomæus Xaverius Grammaticæ Magister; Scalabi P. Josephus Borgius. In Madeira sanctimoniales divæ Claræ de suo cœnobio exentes invadunt possessionem villæ nostræ suburbanæ ob canalem cafu ruptum, per quem aqua fluebat in monasterium; at jussu Regis Collegio sua possesio restituitur. Centenario major Scalabi obit Joannes Henrictus Rota nostri templi benefactor. Eminentissimum Cardinalem Josephum Pereiram ad electionem novi Pontificis euntem Romam duo è nostris sacerdotibus comitantur. Franciscus Coutinius olim de Societate donat Conimbricensi Collegio bonam pecunia summam ad exornandum sacrum vestiarium. Calendis Novembribus Eboræ collocatur in facello Juniorum sacrum tabernaculum cum Eucharistia redditum ad flammarum perpetuam, & lampade argentea ab uno de nostris sacerdotibus data. Die 30. Decembribus renunciatur hujus Provinciæ Visitator, & Vice-Provincialis P. Carolus Casnedius Mediolanensis, olim Legionis & Castellæ Magni Archithalassii Confessarius, ut suo loco narratum.

Annus 1722. SOC. 183.

Vitam expleverunt, Eboræ P. Joannes Sousa, P. Franciscus Ramalius, P. Josephus Amorimus; Ulyssipone P. Antonius Cordeirus; Conimbricæ P. Franciscus Borgius, Jolephus Arntius, & Emmanuel Camellus, scholaisticæ; Angræ P. Gaipar Velius; Pontedelgadæ P. Melchior Pintus; in Portu P. Joannes Correa; Fari P. Eduardus Oliveira; Pace-Julij P. Jolephus Acunea. Ad Indiam transiverunt octodecim, ad Maranoniam duo, totidem ad Brasiliam, sed unus inde venerat Procurator. Bracharæ ruris pro templi campanis instauratur, additâ prægrandi campanâ. Eboræ, & Conimbricæ turones deponunt vestes, vulgo fôtanæ, fulci coloris, & assument nigri. Ulyssipone idem jam erat factum anno 1719. In Collegio D. Antonii sunt locata in specialibus sacrophagis cum suis inscriptionibus ossa Ven. P. Joannis Fonsecæ, & Ven. socii Coadjutoris Antonii Homem. Legati tres Theocafis Regis Filancensis in insula D. Laurentii jussu Serenissimi Regis hospitavit in nostra Domo Professa. Octobri cœpta consuetudo ter pullandi æs templi ad salutandam Virginem horis matutinis, & novies vespertinis ad commendandas DEO animas purgatorii. Venit è Maranonia P. Philippus Luisius Procurator, è Sina P. Antonius Magalanus Imperatoris Legatus ad Serenissimum Regem. Didas Tinocus Presbyter donavit Collegio Ulyssiponensi D. Xaverii annum redditum ad habendum alterum Latinitatis Magistrum. Mensi Octobri apertum est Bracharæ aliud Gymnasium Philosophiae.

Annus 1723. SOC. 184.

Cum Januario mense extractum de flumine fuisset monstrum marinum tanquam magnitudinis, ut longitudo æquaret 87. palmos; id omni Ulyssiponi spectaculum fuit prorius admirandum. Nonnullis persuasum prælagiis acutos morbos, qui funestârunt eam urbem; in illis multum eluxit nostrorum charitas diu, noctuque; DEO cunctis proprieitate, ne uni quidem adhæsit pestilens malum. Cum Mauri plurimi essent è Mazagonia vecti Ulyssiponem, ex ipsis fæmina morbo lethali implicatur: existimante plebe peste esse, juberet Rex Serenissimus deferri Mauros ad stationem dictam *Trafaria*, simul imperat significari Moderatori nostro, opus esse sacerdote de nostris, qui miseris consulat. E plurimis, qui se libenter obtulerunt, designatur unus. Interim compertum est, maura morbum à peste diversum. Idecirco Regis nomine Macchio Abrantensis per litteras, collaudatâ amplis verbis charitate Societatis, ad morte,

monet, ne mittatur sacerdos. Multis operibus de novo factis illustratur ædificium Eborense Collegii. Conimbricæ inaurata pectorata altarium ad latera majoris aræ. Ibidem introducta devotionis B. Virginis à bona morte. Infans D. Franciscus eligit unum de nostris Magistrorum filii sui D. Petri. Abluuntur baptismo Legati Regis Theocasti, de quibus anno superiore; eos nostri sacris mysteriis instruxerunt. Quarta & vigesima Septembribus Regina Serenissima in lumen edit Infantem D. Alexandrum. Ad Indiam profectus P. Joannes Antunius cum aliis octo. Conjur Archithalassi, desperata jam corporis salute, se unam cum Archithalasso obstrinxit voto erigendi suo sumptu D. Xaverii Collegium, si valetudini restitueretur: melius habere coepit, votumque nuncupatum innovavit. Mortem cum vita commutarunt, Conimbricæ P. Gaspar Ribeiro, P. Antonius Veiga Collegii Rector, P. Ludovicus Ferrazius, Antonius de Sanctis coadjutor, Georgius Figueiredus tiro; Ulyssipone P. Antonius Simonius, P. Philippus Luifius Procurator Maranonæ, Antonius Luifius coadjutor; Brachare P. Antonius Leitamus; Portalegræ P. Josephus Ribeiro Collegii Rector. Ulyssipone mense Augusto extremum vita anhelitum edit Dominus Antonius Figueiredus domo Goveensis in diecepsi Conimbricensi, sua bona legat Societati ad fundandum Collegium Goveæ. Eboræ raptur immaturam morte Josephus Saldania Albuquerquis adolescens de primaria Regni Nobilitate, Convictor Collegii Purificatae Virginis, prædictus sanctis moribus; sepelitur magnâ pompa in templo nostro in facello D. Francisci Borgiæ, cuius erat consanguineus.

Annus 1724. Soc. 185.

I.

Rege offenso, Praepositus Domus Professæ, & Visitator Provinciae coacti sunt deponere magistratus suos. Fit Vice-Provincialis loco Visitatoris P. Antonius Galvam Rector Conimbricensis. Rebus non paucis patescit Regem non iratum Societati, sed duobus, quos dixi. Rex, & Regina honestant suam praesentiæ novendiales preces D. Xaverii in templo Domus Professæ. Rex Serenissimus studentium fautor egregius donat in perpetuum redditum quingentorum aureorum singulis annis nostro Collegio Ulyssiponensi, ut bis quotannis habeantur litteraria certamina ab scholasticis externis. Mense Julio habitu primo litterario certamine, Rex interfuit dramati, ac distributioni præmiorum. Idem consulens scholasticorum siti, iussit in atrio scholarum fieri marmoreum receptaculum aquæ, ubi adolescentes sicim placarent. Idem Professæ Domui largitus fuerat aureum tria millia, ut typis vulgaret libros de restitutione P. Emmanuelis Pereiræ nostræ Societatis, quondam in Eborense Academia Theologiae primarii Professoris. Exculsi hoc anno tomii duo. Decrevit Rex, ut Conimbricæ omnes, quibus studium Philosophiae esset computandum pro uno anno Juris Pontificii, aut Civilis, antequam admitterentur in aulas eorum facultatum, apud nosstros è Logica examinarentur. Regina cum suo Infante Serenissimo Alexandro adest in templo Collegii festivo dramati in obsequium ejusdem Infantis habitu. Didacus Tinocus presbyter secularis donat Collegio D. Xaverii Ulyssiponensi redditum pro Magistro Scientiæ moralis. In Collegio Portuensi dupli Latinitatis Gymnasio additur tertium propter multitudinem studentium. Duo adolescentes Comitum filii legitimi egregie vice-runt à suis oppositis obices, & se Societati manciparunt. Eborense Collegium novis operibus venustatur; ornamenti pretiosissimis dicatur templum. In nostro Farense templo locavimus magnâ solemnitate simulacrum D. Barbaræ ad abigendas tempestates, & terræ motus. Regis placito introducuntur novendiales preces D. Josephi in majorum Collegiorum templis. Decimam nonam Novembribus fæditissima procella grandem Ulyssipone stragem edit, ad centum viginti naves aut mergit undis, aut lacerat, aut conjicit in terram, alluditque Lembi, & minores naviculae sine numero confractæ, ac undis raptæ. Nec in terra parva calamitas; nostræ domus damni hæc modicum sunt perpesta. Octavâ Aprilis Ulyssipone explevit æatem in domo tironum P. Michael Dias, ejusdem domus insignis benefactor, olim Reginæ Confessorius, Provincialis, & Assistens, multis clarus virtutibus. In Domo Professa Ulyssiponensi 26. Novembris

Antonius Franco.

N R N

bris